



^ 16  
4046  
14



16  
4046  
14

<2006-805>

牧齋有學集卷三十三

墓誌銘

誥封安人熊母皮夫人墓誌銘

夫人姓皮氏諱靜封承德郎熊公之配今少宰雪堂公之母也夫人少而慧長而順老而共事其舅少檀翁如父事其姑甘孺人始母異糗宿肉蚤夜甚慎營兆域庀葬事衰麻哀泣感動行路此夫人之爲婦也承德公老于場屋不事生產朝糞暮鹽黽勉有無白首相莊有雞鳴鑑耕之德此夫人之爲妻也教少宰兄弟援引圖史鏃勵文行少宰令而貧曰吾願爲陶

母少宰仕而直曰吾願爲范母憂具官望倚門七箸  
申儆老而不替此夫人之爲母也戒陝輪以教莊斥  
丹華以教靜旨畜以教勤害澣以教儉峙餼糧以待  
舉火度口腹以收道殣閨門覩記里閉歸仁此夫人  
之爲大母爲母師也服慈氏之慈具德女之德皈依  
三寶禮誦六時卒之日神觀澄寂親見華旛寶蓋冉  
冉下也余觀于夫人課誦則金剛法華熏脩則稱名  
持號以慈心度幽冥以淨心求正受固無事薙髮條  
衣作阿梨之形相亦未嘗揚眉瞬目效婆子之機緣  
示現閨範闕脩梵行考終由是往生亦由是用以儀

承德公老于塲屋不事生產朝蠶暮鹽黽勉有無白  
首相莊有雞鳴饁耕之德此夫人之爲妻也教少宰  
兄弟援引圖史鏃勵文行少宰令而貧曰吾願爲陶  
母少宰仕而直曰吾願爲范母憂具官望倚門七箸  
申儆老而不替此夫人之爲母也戒陝輪以教莊斥  
丹華以教靜旨畜以教勤害澣以教儉峙餼糧以待  
舉火度口腹以收道殣閨門覩記里閉歸仁此夫人  
之爲大母爲母師也服慈氏之慈具德女之德皈依  
三寶禮誦六時卒之日神觀澄寂親見華旛寶蓋冉  
冉下也口持佛號吉祥而逝人皆曰夫人不但壽考

令終且而歸樂邦矣余承乏國史詮次內行魚軒象服雕軒有煒者什之六珩璜瑤瑀管彤有聞者什之四至于歸心佛乘正定往生則所謂優曇鉢花不一再見者也像末陵遲邪外熾盛盲禪魔民掠機鋒逞棒喝者侵尋及于笄幃摩鄧之女說法而登壇賓蓮之尼拈錫而樹拂憂世者惻護法者愍未有甚于此時也以余觀于夫人課誦則金剛法華熏脩則稱名持號以慈心度幽冥以淨心求正受固無事雍髮條衣作阿梨之形相亦未嘗揚眉瞬目效婆子之機緣示現閨範闕脩梵行考終由是往生亦由是用以儀

表女宗金湯末法顧不韙歟余故志夫人墓表而出之使笄幃者流慕往生者以夫人爲導師慕夫人之往生者以其爲妻爲婦爲母爲左券不壞世間不背實相季緒四依庶其在是以予言爲指歸可矣夫人生萬曆丙子九月十六日卒戊子十二月初一日享年七十有三子三人文登由貢生官教諭次文舉卽少宰崇禎辛未進士由合肥令擢吏部司勳郎中今吏部左侍郎次文升國學生孫女一人適輔國中尉統麤孫男女若干人葬某地之某阡銘曰  
棗脩肅穆闕狄光華現女人身命婦大家白毫注目

青蓮啓口現善女人身法妻智母箴管內則衿纓闈  
儀規重矩疊媿彼毘尼姱脩外芬淨行內發如吠琉  
璃中舍寶月頌圖孔昭援記有徵世出世間請觀斯  
銘

佟母封孺人贈淑人陳氏墓誌銘

淑人姓陳氏父諱其志母湯氏故山東按察司僉事  
登萊監軍佟府君諱卜年之妻今御史中丞國器之  
母也先用府君河間令最封孺人今用中丞覃恩贈  
淑人佟與陳皆遼陽上族淑人以明惠擇壻府君以  
岐嶷求耦圭判璋合二姓克諧生柔笄禮既饋交賀

淑人承上字下婦德用光親井春具膏火機絲夙夜  
相府君子讀甘蠶鹽警鈴索盥漱雞鳴相府君子官  
府君擢上第宰京邑冊府錫命天書煌煌閨闈榮焉  
天啓初府君受命東略監軍登萊鈞黨牽連蜚語逮  
繫淑人奉二尊人暨諸姑子姪扶携顛頓徙家于鄂  
乙丑九月府君奉矯詔自裁太公哀慟歿客舍淑人  
泣血襄事奉太夫人渡漢遷黃陂又三年仍遷江夏  
夏奏寇躡楚太夫人歿而渴葬中丞補弟子員奉淑  
人卜居金陵崇禎甲申避兵遷甬東中丞受新命以  
兵憲治嘉興淑人版輿就養丙戌九月十九日卒于

官舍年五十有八嗚呼孰不爲婦孰不爲母如淑人之爲婦母極難耳自丑迄戌天地翻覆以二十年閱公羊之三世則難自鄂之吳室家播蕩以弱女子定盤庚之五遷則難雷風交加參彝呼吸上慰掩袂之尊章下挈琢釘之童稚毀室取子覆巢完卵無天可呼有地必踏以隻身獨手枝撐佟氏之一門百口則難當府君檻車急徵淑人牽衣訣別以忠臣殉國孝婦殉家相勸勉迄于今家門歸狀窀穸相望款款下泉執手慰勞淑人之報稱府君亦已足矣生前之荼苦甘之若飴身後之血淚藏而猶碧苑枯陵谷世人所咨嗟歎息者豈足爲淑人道哉淑人旣歿中丞扶柩歸金陵卜葬于山之陽子一人卽中丞公國器女適李寧遠曾孫延祖以歿事贈同卿中丞妻贈淑人蕭氏繼室封淑人錢氏孫三人世韓世南世傑舊史氏曰予讀史至王章妻事未嘗不撫卷流涕方其臥牛衣涕泣謂朝廷尊貴無愈仲卿責其不自激昂何其壯也及被收繫小女聞呼因聲號哭知我君先死何其傷也由淑人觀之忠臣妻女遭逢患難其情事俛仰有足悲者旣而昊天已威劫運促數章妻得還合浦夫人重御雕軒平陂往復約略相似觀世者

於是有深懼焉余既徇忠臣之請銘府君之墓在  
鄂渚淑人未之從法當別有銘銘曰  
生遼陽死樵李鄂之越五遷徙金陵山兆靈趾靈之  
車反于此魂迢迢渡漢水泣丹書訊青史夫人兮有  
美子讚銘辭詔天咫

故誥封李宜人張氏墓誌銘

宜人姓張氏故通政使司右通政寶應李公諱茂英  
之室也李公卽世九年而有甲申之難季子藻先奉  
母適吳以其年八月十二日卒于邸舍年十有  
遺命反葬祔通政之兆又十二年乙未余之淮過寶

應藻先拜而請銘李公同年長兄宜人丘嫂也藻  
先父事余二十年益恭知宜人內行者莫余爲詳其  
忍不銘銘曰

萬曆庚戌余舉南宮淮海聯蹕聿有李公展允李公  
長德端人玉衡懸秋木神發春釐爾女士玉質余相  
既饋交賀德友相莊出宰百里入官爽鳩雞鳴戒勤  
秉燭泣囚晉秩納言迴翔靈鑠黨論披猖椽人簸職  
金甌四維微風搖搖携手言歸曾不崇朝公賦遂初  
如旅得歸陰林席箭散髮振衣宜人刳刳綜理外內  
田園區塍囊篋細碎僮奴指使牛蹄角干目覽手畫



部居井朕公曰休哉坦其皤腹我酒爾旨我肉爾宿  
是生三子季也收子教以織績游必就士公既卽世  
家門肅穆蘭綺崔嵬戶屢促數白毛匝地黑膏橫天  
長淮南北骸山血川申命季子御以如吳陳衣考終  
如在室家帷裳而斂以逮反葬牆窆不驚窀穸無恙  
陵谷遷貿又一星終風塵傾洞我來自東白楊蕭蕭  
短髮薺薺停舟問舊聘貽驚喜我造其第堂宇沉沉  
几筵肆設簾幙靚淡季子曰咨闔廬蓬翟夙夜洒掃  
惟母之教我饗其饌茶香酒醕脯醢錯列間以糗糒  
季子曰咨粗糲匪恪五飯酒漿猶母餘閭軒車踳門

青簡棲帷市勒懸書壁鏡贈詩季子曰咨予庶予跂  
引衽攘捲德音在耳獻酬卒爵見其諸孫舒雁行列  
玉雪蘭蓀我思古人頌圖雍肅咏歌葛藟逮彼樛木  
而况宜人女宗母師珩璜琚瑀我親見之在昔范氏  
隆道弘風中興以後形我管彤鴻朗不遐清喬斯纂  
我作斯銘敬告史館甓湖湯湯八寶告祥理詞幽窈  
尚有耿光

林淑人太君墓誌銘

太君姓陳氏贈護軍林君子惠之室也生二子國棟  
廷棟一女適錢氏歲壬辰七月考終內寢年六十有

二八月葬武林北關吉祥之阡護軍早世太君方盛  
年女提子抱朝其家人而申傲之曰爾無歿吾先君  
無寡寡婦無藐藐諸孤爾養爾殮爾蠶爾織爾庀酒  
掃出入雜狀應曰敢不如命又合其宗黨而告之曰  
有未亡人在有先世敝廬薄田在于我婚于我葬于  
我歲時伏臘其何忍歿我先君闕遺我諸父昆弟雜  
狀應曰諾更十年所女笄而字男艸而學扁鐫蕭狀  
鈴索肅狀機絲雜誦聲續狀行其庭窺其堂不知  
護軍在否咸曰有婦又更十年所國棟起家韎韋腰  
刀袴褶拜跪起居餘皇文馴交織道路雕軒在門翟

第有煒閭里聚觀咸曰有母太君于是居積不替各  
行滋彰僮奴食指日繁宗黨待舉火歲益成輿梁掩  
駝骼新支提飯除饑四方之人咸曰是婦是母男子  
無如也晚而遭逢世故鄉井繹騷歌哭錯互太君蘭  
錡歸狀鼎食如故兒孫繞膝吉祥令終斯世希有也  
舊史氏曰余往與陳總戎東溟劇談當世奇偉卓詭  
之事盱衡告余公知天下有奇女子若武林林太君  
者乎太君一寡婦存亡歿生千金一諾南冠越吟之  
客翳桑廣柳之徒後車却載幸舍如歸台溫諸郡漕  
艘運弁帆檣蔽虧奸黨囊橐太君片言傳救千里郵

牛齋有學集 卷三十一 九  
置駢頭捧手莫敢顧唾此豈有徵發期會用兵法部  
勒者乎昔太史公傳貨殖列巴寡婦清而范史傳列  
女失東海呂母公裁國史當置何等余異而心識之  
比遊武林觀太君之葬喪亂之後托妻孥保家室者  
擁匱巷哭螺贏之子削杖執喪虞用粟焉總戎之言  
猶信嗟乎古奇女子如譙國沈氏紹定間晏氏比能  
絜智何以賢于太君徵諸近事銀夏之登埤誓師榆  
關之乘城返旆翠帷砥室呼吸定變嘍哨宿將其顙  
有泚惜乎太君之所用者小也于是廷棟來謁銘余  
曰諾是應銘法銘曰

碣石鐫靈掌徙天夢夢俗靡靡鬚眉作巾幗恥匪激  
贊訓夫子

長沙趙夫人張氏墓碑

長沙趙夫人姓張氏今御史大夫趙公開心之室內  
閣中書舍人而汴之母享年六十有九龍集己亥正  
月 日考終官舍之內寢而汴扶柩北平返葬南  
國毛裏創鉅枯捲痛澁食頃啁噍踰時躑躅祇奉嚴  
君之命來請大家之銘余交在紀羣慕澁鍾郝猥承  
載筆敢忘彤管用假嚴牲之石敘而銘焉敘曰夫人  
生柔笄禮肅容裕仁媒朕卜祥既饋交賀董茶攻苦

音蓄御窮餽醜芘羹以佐敬養篝燈宿肉以相誦讀  
寒牕佔擘則織火分光午夜伊吾則機絲雜響宵晨  
傲戒有雞鳴風雨之思窮困激昂無牛衣涕泣之狀  
斯則歸妹所以幾望鵲巢所以起家者也君爲觀國  
之賓妾作當家之婦白髮在堂黃口在抱滑甘梨栗  
取辨食指子媳保姆交萃一身家門多業繼纏哀酷  
醫巫藥膳傾倒度囊置嬰飾牆罄盡衣珥俾老人卽  
安下地庶游子無憾終天俄而兵燹突焚關河阻絕  
樸被孳筐負稚携嬰雨血風毛之歎自誓戒徒命侶  
如堂適庭健婦良勝于丈夫夜行何畏乎多露斯則

自竇啓夏負屏伯越秉心塞淵無成代終者也惟趙  
公標榜悒俗摩厲兩朝木高風摧表長影廣叶茲琴  
瑟戒彼韋絃周南之哲婦勗如燬于魴魚陶邑之令  
妻喻自處于京豹佩觿能解發硤善藏臺柏之獨坐  
歸狀卿月之迴翔滋久有子式穀作我鳳毛夫人舉  
案益莊循牆多畏傳敕邸舍危治寢門鈴索無問于  
晨昏管鑰不離于手掌隔柳家之幔才使聞歌下謝  
公之帷僅能見舞行成琚瑀言著縑緗已乃脫落塵  
容津梁白業伽備半偈多羅數行現身散華無復女  
身之相取泡作髻淡知泡影之因斯所以收華委蛻

高朗令終者歟嗚呼天地震蕩士女化離江淹歎紫  
臺之稍遠杜陵悲紅袖之登車夫人攸助陳謨勸勉  
明哲于是梓材用晉白馬朝周潼酒駝羹每拜上方  
之賜鞠衣翟茀彌渙再命之榮生以名窈疏封歿則  
甘泉圖像令妻壽母罕有其比旣而勝鬘末利迴念  
多生陽燄乾城追惟昔夢珠服玉饌謝彼繁華寶地  
金牀欣茲勝妙視世界如房櫳等見孫于幻化顯融  
壽考人間五福方蔑如也昔者劉子政之述作臚列  
仁智房京齡之序傳標舉清喬竊比古人詢於舊史  
敬爲論次徵諸頌圖乃作銘曰

趙璧連城張星近河珪判璋分鳳舞鸞歌天作嘉耦  
宜爾室家茹荼攻蓼亦旣勞止相夫如賓代夫爲子  
弓强于韜衣强于裏乃遭鼎革乃服裸將叅語更衣  
決策蠶桑携手刳灰晞髮青陽父執法兮殿中子影  
纓兮日東倚紫書兮有耀儼象服兮被躬歌迴波兮  
窈窕御雕軒兮肅雍嗟塵盍兮沈湎閱海水兮清且  
淺著銖兩兮衣輕踏琬璃兮地輒山川兮間之將二  
妃兮復來從二妃兮澧浦望蒼梧兮參差宛故國兮  
松椒倚門閭兮何求坐視背行兮我心悠悠沅湘無  
波兮江水安流

李緝夫室瞿孺人墓誌銘

吾先君宮保公有執友曰李丈伯樗伯樗之子胤熙字緝夫長于余三年余契家兄也緝夫娶瞿氏宋太史傳孝子嗣興之後其儉有婦德每生子女湯餅之會必首召余余事孺人猶丘嫂也先君卽世幼弟二酉不一齡余奉諱歸樞衣肅拜定婚于緝夫之女以爲李氏兩世素交先君之神所式憑也踰年二酉殤孺人哭吾壻過時而悲余每爲揮涕久之緝夫困諸生而余浮沉仕途進寸退尺緝夫與孺人燕語响濕濡沫未嘗不相向歎咨也崇禎改元緝夫病不祿子

象璧漸長授經於其婦翁陸兄孟亮崇禎己卯舉鄉試孺人年六十賀客驩呼踵門未幾象璧沒喪亂薦臻歲祲產削孺人依次子系坤及象璧子錄銘以居及見其次女甥翁與之鄉舉而卒癸卯歲六月十五日也享年八十有四于是子孫食貧渴葬卜日先人之兆而泣血來請銘孺人之歸李也十四而爲婦三十而爲母六十而爲大母家門儒素裙布操作口不知肥濃身不識紈綺拮据將茶勞夢徹旦晝八十年一日也譬之耕狀火種而不收子獲而弗食鹿鳴燕喜開口一笑日未陰而失之攢眉如能漬淚洗面

八十年一日也上下三世艱危積刼孫枝不替祭祀  
孔時厥惟艱哉卒之日訣別子孫曰八十年李氏老  
婦可以歿葬之日下見所天曰八十年李氏老婦可  
以從君于此嗚呼臣子之于君國也猶婦人之于室  
家也身世牽率歿生側背讀丘遲之書覽庾信之賦  
如孺人青裙白髮八十年爲李氏老婦豈非天之相  
之也哉生宜李氏之室歿復李氏之土歿食李氏之  
粟自施衿以逮陳衣爪髮依狀話言如昨爲孺人者  
良可以無憾而余陳人宿老俛仰今昔能無載筆而  
流涕乎銘曰

昔者漢孝元皇后移國旋易身爲新室文母猶自命  
漢家老寡婦黑貂奉正臘史家悲其倒置元后之年  
亦八十四視孺人白首蓋棺長爲李家婦我知其有  
餘媿也嗚呼叔姬歸鄣春秋所義豈無冠纓羨彼髮  
髮涕盈其銘終古同喟

旌表節婦從祖母徐氏墓誌銘

崇禎六年歲在癸酉詔旌常熟縣故生員錢世顯妻  
徐氏表其門曰貞節之母工部尚書棫之從孫女我  
從祖祖父副使府君諱順德之介婦從祖父諱世顯  
之妻從祖弟論貞之母也年十六歸于我二十四所

天見背矢節四十二年膺旌門之典後十一年爲崇禎之甲申節婦年七十有二越二年丙戌論貞歿又三年己丑七月始考終于內寢壽七十有八次年庚寅月冢孫孫保卜葬于長興之新阡啓厥祖塋之窀穸改而合焉哭而告于謙益俾誌其墓於乎謙益不忠不孝慙負天地其敢視狀執筆貽羞簡牘若節婦之爲妻爲母爲婦盡瘁于我錢氏不忍以弗之志也節婦之寡也論貞僅免襁褓未幾府君卽世幼孺眇藐委練就位無儉禮無違言漂搖者定粵蜂寢息人言曰能爲妻君舅旣歿三姑皆篤老供養扶持送往事居啜泣莅事莫有愆素人咸曰能爲婦謙貞起孤僮長而有見視保告誡如未免于水火也織紵辟績朝糞暮盥不以溫厚少自假易也老而哭子支形立氣持門戶彌自力孫保頭角嶄狀奉侍唯謹陳衣之夕顧視釋狀狀後爲母之道終焉衰門多憂哀酷絕纏節婦哭夫之後哭尊嫜者四哭婦者一哭孫及孫女者再三歿數矣而不歿殘年餘息垂死而又哭二子而猶不歿天以節婦畀我錢氏爲健婦爲勞人備嘗其閔凶而慙遺其血胤苟不至于終天窮塵畢命盡氣猶未獲弛擔息勞安寢于巨室也節婦之爲

往事居啜泣莅事莫有愆素人咸曰能爲婦謙貞起孤僮長而有見視保告誡如未免于水火也織紵辟績朝糞暮盥不以溫厚少自假易也老而哭子支形立氣持門戶彌自力孫保頭角嶄狀奉侍唯謹陳衣之夕顧視釋狀狀後爲母之道終焉衰門多憂哀酷絕纏節婦哭夫之後哭尊嫜者四哭婦者一哭孫及孫女者再三歿數矣而不歿殘年餘息垂死而又哭二子而猶不歿天以節婦畀我錢氏爲健婦爲勞人備嘗其閔凶而慙遺其血胤苟不至于終天窮塵畢命盡氣猶未獲弛擔息勞安寢于巨室也節婦之爲



節也亦苦矣哉萬曆初吾家全盛叔爲秦川貴公子  
婦方盛年容華謙益稚齒嬉戲長與案等耳從祖父  
縣雉于庭木舍矢命中顧盼自喜節婦鼓琴于房桐  
絃鏗狀聲滿窓戶迄于今話言色笑宛宛狀如信宿  
也而吾亦七十老矣節婦亡且葬而錢氏之老人于  
是盡矣家憂國恤創巨痛深回環循省若轆轤之轉  
腸腹雖欲不滋狀也其可得乎嗚呼女婦之殉夫臣  
子之殉國其于生歿之難也一而已矣傳不云乎召  
忽之死也賢其生也管仲之生也賢其歿也靡之不  
死相也嬰之不歿也與夫人之不歿何異靡祀夏

嬰立趙歿者復生生者不慙而後乃知其賢于歿也  
節婦之于錢夏之靡趙之嬰也其不死也以有爲也  
以有待也其視夫引刀雉經以一歿爲能事者孰難  
孰易亦顧所自矢者而已矣雖狀必如節婦而後可  
以不歿必如節婦之不歿而後可以有辭于歿者國  
家大書深刻旌門表閭所以教世之爲人臣子者至  
矣吾于是而知風德之遠也銘曰

節婦之天出後小宗徐母高行棹楔熊熊元兄不弔  
自誓有王一門三闕漆書相望于鏢 明崇獎節孝  
光天厚地有風有教舊史裁筆埋辭墓門鴻祝徵此

刻文

錢令人趙氏墓誌銘

我曾祖王父歷贈刑部郎中太子太保諱體仁生五子長爲我王父嘉靖己未進士歷贈太子太保諱順時仲爲從祖祖父山東按察司副使諱順德副使仲子世顯娶旌表節婦徐氏生謙貞貞生孫保孫保娶趙禮部尚書謚文毅諱用賢之曾孫女敘州太守隆美之孫女太子中允士春之女也孫保旣葬其王父母父母於我曾祖長興阡之支隴兩阡間有地婉而中隴宮之以葬其妻而率其子與祖請爲壙銘銘曰

維我曾祖有四世孫條葉被澤卜妻亭門錦城漢東仙源天水故國舊家河魴朱子之子于歸王母在堂鞠衣楚楚烏頭將將網戶砥室板輿輕軒銀燭合歡金尊祝延般申旣饋異糝事酒相夫爲子代姑爲婦菽水旦旦膏火昔昔毋傷牛衣而去駒隙內外官閑委佩乘魚于今爲庶可不免諸機絲研削雞鳴風雨亦旣抱子誰謂荼苦申酉之交大厦再傾漂搖一室梁壞棟崩尊章酷纏王母奄及無呼非天有啜必泣捲衣雜投絞紵頻製工祝背行巫匠更次哀哀百身憊憊千指欣助棘人克庇大事爵踊觸地設田壤牆

擊胸傷心命以不長戎馬乍寧室賓帖妥一星未周  
逝將去女歲在甲午年三十二陳衣蕭狀顧燭永訣  
庚子十月龍尾伏辰白楊悲風埋此勞人長興高墳  
三台熊熊支龍蜿蜒防密新宮宗老斲石納銘敦丘  
地卜唯食天咫不謬三子四女子亦有子俾爾昌熾  
庶蕪在此

贈孺人張氏墓誌銘

孺人張氏建寧府君之後爲邑巨室父諸生芳潤母  
王氏年十七歸于錢爲今江南道御史延宅之妻卒  
于乙酉九月八日年二十有一後七年延宅舉進士

自行人擢臺班再命皆贈孺人癸卯歲請假葬母卜  
地殿橋新阡營孺人之兆域于其旁于是孺人歿十  
九年 時子世嚴才三歲今成立爲諸生矣延宅之  
念母也勤悲其妻早世生不得事其母而死得從先  
姑于九京也序次酸楚使人讀不忍竟涕泣再拜以  
墓石爲請余曰諾乃敘而銘焉銘曰

建寧之後婉婉女工來嬪彭城和鳴肅雍青 暢轂  
門闥邈迤風雨雀鼠中葉如燬我有聞孫茹荼攻苦  
青燈一編白日千古彼美婉嫗夙夜勉黽視無陝輸  
笑不見矧士也挾筴摩厲選場居庀膏火行橐餼糧

資盡裝送脫解簪珥補綻洗拆取辦十指煮字吞紙  
突烟蕭條舉案進食中園有桃相顧而笑勿歎一飽  
無以食李啖彼剝棗乙酉重圍日蝕麟鬪屋瓦星流  
礮車雷吼扶創裹兒挨枕崩奔羸軀弱命爭睹城闈  
路饑如鬼胸確自捧莢手瘳瘵弓足臃腫驚魂乍返  
巖霜載零哀哀父母膏刃血阬陷胸擗地聲殷壞牆  
腸腑迸裂浹月而亡餘閣闕奠屋衣誰復哀勅鄰叟  
假以美木兵塵荒郊日莫鬼語誰與此叟天用錫汝  
黑月孤懶涼雨一丘星紀推移天回日周法冠霈恩  
簞節還鄉錦韜象軸再命煌煌吁嗟孺人穠若春華

青陽失令冰霰交加譬彼役夢昔昔不蘇六載黠  
吟嚙呻呼昔夢未愁俄而長寢布幃瓦燈營魄淒淒  
堂堂白日悉照下泉鏡奩重開鞠衣再鮮人生一夢  
百年鼎鼎苟以孺人噩夢斯醒挺挺新城萬木如茨  
往從先姑爰契我龜生不受社歿有餘慶閭里歎息  
天眼則長宗老髦荒職司譜牒搜次內言敬告交葉

牧齋有學集卷三十三終

牧齋有學集卷之三十四

神道碑

明故光祿大夫太子太保禮部尚書兼文淵閣  
大學士贈少保謚文穆成公神道碑

嗚呼以天爲無意於人國乎雖其陽九百六方蹶降  
割之際光岳之氣未嘗不合也山川之雲未嘗不出  
也扶危定傾之才未嘗絕跡于世謀王斷國之人未  
嘗不接踵于朝也以天爲有意于人國乎畀之以賢  
才而靳之以信用使之臣不遇其君君不遇其臣卽  
君與臣兩相遇矣而又不得久于是乎奸邪小人盤

互于內敵國外患交蹙于外而淪胥板蕩忽焉不可  
救藥蓋吾觀宋事至靖康諸賢之進退輒爲之填胸  
捐膺且憤且悻今老病垂死而書吾友文穆公墓隧  
之碑乃在其卽世二十餘年之後此所以忍淚執筆  
嘆窮而繼之以泣也公姓成氏諱基命字靖之避廟  
諱請以字行大名人也少爲諸生長身玉立與高陽  
孫文正公齊名萬曆丁未舉進士選庶吉士踵高陽  
列詞館砥行績學竝著公望廻翔詹翰歷官吏部左  
侍郎崇禎元年枚卜閣臣廷推居首未果用踰年遵  
永陷沒畿輔震驚上用廷議十一月七日卽家起高

陽公以樞輔駐通州控御神京次日趣召公升禮部  
尚書入閣辦事越五日高陽入朝召見平臺公颺言  
于上曰願陛下以戰守事宜一切委承宗俾得盡其  
才力必能辦敵仰副聖意上爲之首肯當是時烽火  
連接警報錯互舉朝恇駭不知所爲公言出而聖意  
定廟算一人有固志上始悔用公晚也高陽旣出鎮  
公在政地無一日不以關門爲慮凡所條上覆奏綜  
覈舉行於兵部則謂四方召兵抵圻輒烏集獸散當  
止七萃乘城之士宵旦不得下當更番宣雲勁卒入  
衛當額招備所當敵于戶部則謂調集費繁額賦當

急行糧當覈新餉當增凍糧當運明年領兌續運之法當行于工部則謂收法辦造當稽內造外造當促期戰車當補料價當先期以應又謂六垣註銷不講六曹奏報省試不聞錯互挨次緣飾故事一一條次當興幾何當革幾何心計目營手批口荅爬搔拮据冒勞銜怨皆以內庀軍國外應疆國爲張皇修攘之計而其最大者則處置關帥一事蓋是時馬帥世龍出自閩閩受命總理方扼腕奮臂期却敵自效中樞惡其兀傲不善事已也使其私人監伺之又嫉他帥譁而訟之公謂國家所倚賴者關門也關門所倚賴

者高陽也今以私憾齟齬世龍掣高陽之手足而責其展布關門之事去矣猶不爲國家慮乎于是力排羣喙取旨申飭命世龍一意進取不得輕議更置又請遣科臣往薊飭厲羣帥不得擁兵觀望違總理節制世龍益感奮誓死總五大帥從高陽下灣遷次第復遵永四日而四城皆下露布上聞獻俘告廟本公在政地周慮危疆主張國論居中調護之力也公感上知遇班在二人之下重齒樹頰無所鯁避及居首慷慨擔荷益自發抒嘗痛哭爲上言敵警爲二百年未有幸其薨退因循苟安萬一控絃復起仍前搶攘

天下事寧堪再誤上感動命擬勅申諭公一夕草四  
諭漏下三鼓猶在直上從午門望內閣燈火熒熒然  
屏營歎息不能成寢也灤水師期來告天大雨歸步  
中庭竟夕不寐家人環視不敢問質明捷書至乃大  
喜語其故公雖在禁近心環竹山灤水間蓋大臣心  
事如此公以辦敵無能敵退乞罷疏三上溫旨慰留  
敘功加太子太保廕一子中書舍人上深念官嘗國  
紀敝窳日甚不太斷割無以振積玩雪國恥公謂治  
道去太甚求治戒太銳天威震疊鐫責切至引理据  
法多所寬解上時時曲意報可一二僉壬營進者爭

爲操切可喜逢迎上意流言布聞謂公委卸市德上  
意雖專注不能無動而郎署之宵人緹騎之惡子乘  
間抵隙交章詆公公自是奉身退矣公旣去高陽在  
關門益孤分兵易將曲肆撓阻比三年以凌河之役  
去高陽去而關門之事不可爲矣自時厥後國勢益  
蹙上心益困登拜如踐更罷免如傳置蝸蟪沸羹無  
復典要譬之駕萬斛之舟衝風逆浪檣傾楫摧長年  
三老袖手屏去而開船振舵之人叫號喧聒促數更  
易其不至于覆溺者鮮矣然則國家之不早用公也  
公之用未久而去去未久而亡也天而有意于人國



朱子學集 卷三十四 四  
夫寧若是葉落而知秋壺冰而戒寒公之進退關係  
于國家綦重而世罕有早知之者也天啓間公與子  
竝官右坊逆奄魏忠賢用事南樂諸人附之引繩批  
根將興大獄兩人私語咋指嘆詫一日語余昨與南  
樂飲酒酣拊余背身後願以易名累公余漫應公尙  
計及易名氏耶醉而失言南樂目我矣余笑曰公未  
醉時向南樂作語云何次公醒而狂何必酒也余先  
罷公以少詹事乞掌南翰入賀畢亦罷已偕起田間  
朝罷過從相與屈指四郊多壘君父盱食網疎事叢  
何若而可畫灰借籌每坐談輒移日旣而曰昔人有

言政將及子交相勗也閣訟之興也余旣被放公亦  
胥後命過余而嘆曰公又去也其誰出而圖吾君乎  
余曰公在吾何憂公曰不然吾兩人車兩輪也吾兩  
人用高陽必將出鼎三足也車一輪有不契需者乎  
鼎兩足有不覆餗者乎公姑去矣他日當思吾言耳  
余歸一年所公與高陽相繼枋用未竟而皆去余  
嘗與高陽促席及之停杯浩嘆以公爲知言也當余  
之被放而公亦在北也朝右之倚公者以抱蔓爲憂  
及公之登用功見而言立也朝右之惜余者或以得  
輿爲喜公旣不久中書余遂長銅黨籍於是海內正

人君子扼腕世道者碩果之望滋窮井渫之心彌惻矣馴至于今國家之陵谷變遷宵小之骨肉腐朽世有讀公豐碑考吾兩人之遺跡追歎其邪許推挽嬖媛响沫之情事截截之口能無重恨于論言夢夢之天抑或纏悲于殄瘁清濁同流玉石俱燼世運而往矣天不可問矣斯予所爲忍淚執筆嘆窮而繼之以泣也公乞歸凡六年以乙酉八月卒于家櫛沐草遺疏正襟危坐而逝上震悼恩卹特隆仍予贈謚以某年某月大葬于某地之阡葬後之某年余與公之子今翰林學士克鞏相見于長安絮語舊事相對啜泣再拜稽顙以麗牲之碑爲請余謹撰次公秉政當國二百七十日間訐謨名畫關於危急存亡之大計者大書隧道徵信國史其他詞林閱歷之次綸扉奏對之詳與夫砥行載德劬躬燾後之本末已見于高陽之家傳故不具書銘曰幽都祝栗戴斗崆峒光岳氣合篤生俊雄騰蹕藝林洊歷史館玉琢金相漆書銀管握文椽筆橫經細旃淵停山峙風節凜然方囂帝博未省天醉駕鸞雙飛威鳳隻逝公曰吁哉主憂臣辱誓捐身圖以謀國蹙馬飲灤河火達甘泉艱危受命促數登延公入颺言聖明天保請以戎索付彼元老

神京重地重關堵塙如微周廬如閉扈堂蒐討軍實  
擁護節鎮身直密勿心履行陣露布宵馳日畿晝闢  
帝曰念哉頭鬚如白蹇蹇勞臣中外鈎鎖關門烽燧  
閣門燈火外憂慙弭內間遘作雄鳴雌和骨銷金鑠  
公笑移疾角巾襍被敵入我入敵退我退比及大歸  
愛心耿耿管戒用豎沈遺城郢輟哭有數班劔加崇  
煌煌錫命賁此幽宮滄海蕩蕩窮塵悠悠玉盃旣出  
銀海不流展如公墳堂斧嶷嶸松楸鬱芊羊馬行列  
有美象賢接武奎壁斯石徵文大書深刻公神在天  
在帝左右驂乘高陽受命三后雲車霓旌來游來觀

覩此玄石嘻其永嘆

都察院左都御史贈特進光祿大夫柱國太保

吏部尚書謚忠文李公神道碑

嗚呼昔神宗顯皇帝丕承謨烈久道化成制科取士  
人物滋茂享國三十有二年至萬曆甲辰一舉而得  
二人曰樞輔高陽孫公御史大夫吉水李公崇禎已  
巳孫公再出督師收復遵永六城以報天子戊寅冬  
高陽陷公闔門死之又六年而有甲申三月十九之  
事文臣殉難者十有二人而李公爲首公諱邦華字  
孟闇懋明其別號也年三十一舉進士授涇縣知縣

庚戌行取授山東道監察御史巡按浙江丁巳坐年  
例調外熹宗卽位起兵備副使分守易州明年入爲  
光祿寺少卿擢都察院右僉都御史巡撫天津明年  
召爲兵部右侍郎移疾去削奪爲民先帝御極起工  
部右侍郎改兵部協理京營戎政進本部尚書在事  
一年用中旨罷歸公起家爲令精疆壑密通曉吏事  
憤京營積蠹盤互奮欲爬搔鉤剔報稱任使中人勢  
要惡其害已蜚謀鉤謗煽動官府上心知其公忠而  
休于衆人之欲殺之也謀始去公以塞衆心而需後  
用公急公任事累奉諭旨乃以顧恤廢弛得罷蓋反

詞鐫責以明不欲去公之微旨上英明喜斷疑信叅  
互爲羣小所脅持惜未有以孝廟任劉忠宣故事爲  
上痛言之者也公旣去營務益不可問經筵顧問李  
邦華做許多實事嘆息久之己卯特簡起南京兵部  
尚書叅贊機務踰年丁父憂壬午服除起南京都察  
院右都御使未幾拜北掌院左都御史公初奉南院  
命以真衰真老固辭俄聞北兵躡內地奮袂嘆曰此  
豈臣子辭官日也爲文以告大江之神誓墓訣子孫  
而出抵湖口得後命便宜發餉過寧南侯左良玉潰  
兵上聞之大喜益專意委信公公朝見論職掌事上

牛不學集 卷三十四 八  
曰久待卿歸來酌議潰兵事處置得宜東南半壁賴  
卿無恙跪奏移時數詔起立溫語如家人父子中官  
皆屏息遠伏莫敢陔輪傍睨每召對百官如墻而立  
上視歸乎公遣中使視病賜猪羊酒米瓜果視諸輔  
臣有差蓋上之倚公深矣當是時外侮內訌人主子  
立軍國之積弊臣下之錮習如盤根之不可拔如棼  
絲之不可治如壞屋漏舟之不可楮柱狡獪之椽人  
狙伺于內庸惡之閣員獶噬于外勲臣小臣躁妄無  
藉者杳口岐舌依草附木簒弄于中外之交公于上  
言無不盡然心有餘于言甘若自茹心盡而言不獲

盡者有之先帝于公言聽無不從然從有餘于聽心  
耳交聽聽從而心不克從者有之君臣之間唇焦口  
呿涕淚覆面警急禱胸卒亦無可奈何而以一死爲  
結局國蹙君傷神焦鬼爛殆有劫運促數乘除而非  
人之所能爲也甲申三月賊破潼關上召見羣臣泣  
數行下公退熏浴具疏請下明詔勵臣民死守用成  
祖朝仁宗皇帝監國故事急遣皇太子監國南京越  
數日又請命定永二王分封江南先帝袖公疏遶殿  
巡行且讀且嘆疏藁啣袖袖已覆出紙牘漫爛猶不  
去手密諭閣臣陳演憲臣言是演頗洩其語既而羣

臣爭疏南遷臺臣爭言詆譎上恚且恨公二疏并閣不行上與公自此皆只辦一死但不言耳三月十二日大同昌平繼陷公亟議登埤死守走告內閣閣臣魏藻德故曳踵徐徐出漫應曰且始待公唾之而出明日率諸御史登城城瑞拒守者矢石交下慟哭而返十八日賊破外城移宿吉安館文信公祠下烹賜豕祀信公徧餉所知詰朝內城陷奔赴大內闕門堅閉不可撼歸館沐浴整衣冠北面再拜三揖信公曰邦華鄉邦後學合死國難請從先生于九京矣取白纈書贊繫腰間曰堂堂丈夫聖賢爲徒忠孝大節誓死靡渝臨危受命庶無愧吾君恩莫報鑒此痴愚纈尾書人生自古誰無死留取丹心照汗青之句囑家人謹護總憲印繳還朝廷勿汗賊手勿殮吾屍須待得主上下落移席正直持束帛繫信公坐榻投纆而絕三月十九日辰時也正尸于中堂眉目軒舉如生時賊過咸咋指呼忠臣忠臣越三日乃殮從梓宮遵遺囑也昔者有唐開元房琯畫詔而分藩有宋靖康李綱抗議于決戰公忠謨偉畧不下二公救亡圖存綽有成算先帝識路自迷操刀不割却國醫而待盡仰毒藥以趣亡遂使次律拱手伯紀結舌死賊舒拊

膺之慮 快 之謀廟社淪胥主臣同盡納肝  
無救于衛滅藏血何補于周危窮塵終古寧不恫乎  
有餘痛哉公當危急存亡之秋建立大計通經權兼  
戰守深謀遠慮不敢以九廟大義六飛重寄輕試一  
擲密疏具在可覆案也公疏畧言臣去年入都卽請  
勅畿輔郡縣預備城守秦督宜扼關自守固勿輕擲  
浪戰宜遣重臣督師防河諸臣泄泄不省以致百二  
山河河決魚爛都城堵墻一無可恃恃京營則刳敵  
垂盡臣向者勾稽清覈去任十五六年盡付流水矣  
恃援兵則江浙搖動荆襄糜爛鞭長不及馬腹矣恃

積財則天子持鉢健兒脫巾京師無兩月糧矣爲今  
之計皇上惟有堅持効死勿去之意爲中國主則當  
守中國爲兆民主則當守兆民爲陵廟主則當守陵  
廟周平宋高之陋計非所宜聞東南曠遠賊鋒浙蔓  
齊魯南北聲息中斷神京孤注變起不測窈見東宮  
皇太子天資英武豫教端凝正宜歷試艱難躬親戎  
器請亟倣仁廟故事撫軍陪京卽日臨遣欽簡親臣  
大臣忠誠勇智者專勅輔導便宜行事刻期償水陸  
飛輓集方州義師以鞏燕雲遏寇氛此宗社安危所  
係不容頃刻緩者賊兵驕師老急機關寧畏三桂提

師迎擊可以必勝勅襄城伯李國禎悉簡京營精銳  
出爲犄角守城之事臣等力任之皇上下詔罪已悉  
發內帑蓄積以餉戰士勿局鏞爲盜守逆賊之首未  
必不可懸藁街也推公之意以爲主上決計固守六  
軍萬騎儼若盤石賊雖狂狡不敢越京城而南皇太  
子可以按轡徐行無道路之警緩則收拾東南全局  
以強幹枝急則號召燕齊援師以捍頭目此誠所謂  
經權戰守萬全之策也假令輕舉妄動倉皇播遷萬  
乘六宮一離闕庭賊輕騎躡我重兵躡我逆戰則不  
能引退則無及賊偏于前援絕于後羣臣從騎鳥獸

奔竄人主將安之乎又令主上行幸太子居守長君  
共主輕車潛遁而以撫軍監國之虛名委東朝于虎  
口雖至愚者不爲而先帝肯出此乎公于此籌之熟  
矣請死守所以力杜播遷之謀請監國所以全收固  
守之局又曰皇上謂臣南人借此自便臣老身許國  
卽以南事委臣臣必不敢任此則灼知定遷無策人  
圖自便恐有王欽若請幸江南陳堯叟請幸蜀之疑  
而逆折其機牙也陵谷遷移況注蕪沒郢書燕說附  
耳射聲小生諛聞冒昧執簡謂公亦唱議南遷以賊  
臣劫制而罷豈不諄哉以先帝之神明不深維唐室



元子北畧諸王分鎮之制詞俾公之老謀石畫與蝸  
蟾沸羹之徒同類而其置之國家存亡大故實係于  
此今也不知國故不察事端附和南遷者徒云援公  
爲口實而不悉其所以然痛恨謾國者但執阻公爲  
罪狀而未悉其所以不然螽蝗醜奮茅鴟狂呼使元  
臣鉅公之心事晦昧千古此可爲痛哭者也公生而  
孝友順祥篤誠明允淵停山立不苟訾笑謂儒者當  
如范希文做秀才時便以天下爲己任講實學時實  
用辦實心幹實事時俗方標榜門戶徵逐聲利以爲  
上龍沐猴非所以自樹立視之蔑如也令涇下車未

幾間里銖兩之奸皆通知之不事芒刃漸摩教化潛  
筆舞文之俗犁然一變集父老詢問風俗家產貧富  
給筆扎籍記戊申歲大稜勸貸賑濟按籍差次斗石  
圭撮若算勾股全活者六萬人立社倉濬水利清劇  
盜戢亡命至今奉爲絜令在西臺風裁凜然所條上  
皆軍國大事所排竿皆城社巨奸危詞苦口磨切政  
府首輔福清葉公下朝房秉燭照公面曰不知李懋  
明眉眼何似敢言乃爾福王之國有日請給養贍田  
土務足四萬頃而後行戶部戶科噤不敢言公曰若  
是則之國無日矣乃手草疏數千言爭之甚力刑部

郎沈應奎老人負直節持公疏詣福清西臺有人東閣可默然而已乎福清乃上疏極言貴妃兄國泰奏繼入事得寢福王遂以甲寅三月就國福清所以能轉移聖聽莫安儲位者實借助于外庭公當其衝應奎贊其決也兩湖地繁政劇採訪利病分六曹爲六書某利當舉某害當革條分件繫每按部舉而措之有餘地焉謂巡方以察吏爲要察吏以獎廉懲貪爲要直指供億有贓罰公費二項贓罰坐派郡邑公費取盈協濟公歎曰繡衣使者表率百城可以身爲谿壑乎亟下檄蠲除屬吏凜然負霜不待望風解印綬

矣歲當慮囚積案填委夜闌炳燭亭疑閱實運筆如風平反者百餘條老文法吏莫敢出入一字廷讞之日獄囚盈庭舊使者省覽累日爲手版以記事公獨不用攜冊坐輿中流觀聞記數百人以次決遣姓名訟牒不遺毫髮吏民大驚以爲神其鎮天津也兵出東方節下空虛蒞任方一日妖賊陷景州公飛騎檄東師返旆蹙賊于前復選步曲千人潛師躡賊後各戒以道里時日分道趨賊而不使相聞比合戰兩軍各至信地背賊兵而夾攻之賊惶惑不知所爲遂大敗俘斬四千有奇一戰克景武再戰克鄒滕蓮妖殲

牧齋有學集 卷三十四  
焉是役也公不用大舉而用鵬勦以爲大舉則徵兵  
轉餉情形張皇賊烏舉獸駭以老弱遺我而走險以  
老我賊未可盡也彼瞰我東師已出我仍以東師賊  
之所以伐其謀而奪其氣也分遣我師各戰其地而  
不使相聞使之人自爲戰各出死力于兵法爲與之  
絕地也旣而眞督撫攘其功得金吾世職公進俸一  
級蓋當時疆事類若此朝鮮援兵潰還索餉呼囂洶  
洶公方以恩信結邊士心乃呼其將而數之曰鮮軍  
例支餉廣寧廣寧失支餉山海汝縱潰兵棄信地而  
索餉于我欲何爲乎念此軍嚴冬渡海裂膚墮指暴

露良苦給汝餉百石再行糧道措處汝率先摩勵出  
汛爲汝寬一面之網不然立斬汝矣逃將搏頰流血  
八百人感泣歸伍譙聲如雷遣人皆踴躍思効命矣  
遼瀋新陷風鶴震驚行間言東征輒譁公下令樹出  
關討賊幟願者立幟下否則去令初下蓋僅有存者  
久之軍中相語有不立幟下者不爲李公帳下兒卽  
不得爲人乃爭立幟下足脛相錯矣議建營壘部署  
胥徒走卒躬先畚鍤介冑之士負土僦功營房千二  
百間馬廐五百翼如告成芻糧山積設軍市以資貿  
易復質庫以峙食貨軍民襍處技擊走集束伍練胆

之法一用戚將軍新書從事選鋒六千人輕車二千  
輛部伍分明駕乘修備高陽公閱邊至津嘆曰嗟乎  
令九邊胥若是何憂戎馬哉京營舊例軍操于營糧  
支于衛管軍者不覈糧司糧者不點軍盡弁積棍窟  
穴其中因緣爲奸利公定爲經制照現在軍數人給  
印票該衛造冊挂號然後赴倉開倉計部按冊驗票  
給米票不符冊卽僞票冊浮于票卽僞冊濫支者法  
無赦太倉題稱京營歲給米一百六十六萬磨勘兩  
月清出虛冒歲計二十四萬有奇以還度支祖制設  
三備兵營招集精銳補老羸之闕市兒惡子遊閑博

徒依倚中人貴戚乾沒蠶食有糧無人有籍無伍公  
疏汰虛覈實增實軍四千餘人飽馬四百疋軍自爲  
一隊歸併各營馬兌給選鋒以供騎操歲省縣官糜  
費糧米數萬已巳冬凡兵入畿輔衝寒出郊相視營  
盤分地樹壘金鼓相望部門恃以無恐遵化告陷羣  
臣偷懦憚事爭言列營城外非便公曰臣職治兵知  
有進不知有退攫城避敵損威示弱堂堂天朝不應  
出此宜列營城外無動速調勤下兵以張聲勢彼職  
我有備將懼而引去所謂先聲而後實也上眩于羣  
言乃撤營兵備國門偵探斷絕始大悔傳旨如公初

牧齋存身集 卷三 四  
議然竟不能排衆咻以留公可嘆也南叅贊機務叢  
挫公首定營制併多設之營以省糧裁不急之官以  
節費安民詰戎治民論將五約二事次第修舉以其  
間巡行江北度浦口絕池和抵和州徑梁山陟采石  
旬日走四千里晝覽形勝夜命畫史步禦機宜分五  
疏進至繪圖列屏師古人聚米畫地之意使人主周  
知祖宗興王舊地山川阨塞其用意遠矣詳察水陸  
形勢備遠阨要謂守江東不如守江北請于滁和全  
椒墾田數千畝聚衆數千人且屯且練以固門戶守  
下流不如守上江請于池陽之間開府采石置哨太  
平舟車兼制以固咽喉又謂徐州居四方邊均水陸  
交會宜宿重兵設總督一旦有事片檄徵調北遊  
西扼寇中奠陵京此天下萬全大局也疏下兵部司  
馬舌吐不敢覆公亦用外艱解去公服官中外歷四  
十年資望深崇委寄殷重回翔前却在用與不用之  
間晚而秉大憲微主知不以時危運移少自假易整  
臺綱嚴考察雙籐拒門凜然如承平時俄而天崩地  
折卒不獲竟其用而達權應變功見言信指麾談笑  
弭東南焚突之禍則莫如湖口之役左兵之潰而東  
也艨艟隱天軍聲殷地留都士民一夕數徙文武大

吏相顧無人色公浩歎曰海內僅東南一角耳身爲大臣忍坐視決裂抽身局外袖手而去乎乃停舟艸檝正告良王曰本部院四朝大臣一生忠孝討逆勤王義旅雲集仰望貴鎮與我同讎共掃腥穢以成偉伐頃傳麾下全軍南潰所過殺掠江流中斷陵京震驚何輕易舉動若此以列聖英靈皇上神武羣醜游魂稍稽膏斧不遠貴鎮不以此時枕戈礪劍與疾討賊乃甘自菲薄貽誤身名本部院所不解也舊京文武足高喙長倘不諒貴鎮心跡飛章上告貴鎮其何辭以對十五國豈無豪傑人各有心各鎮及麾下將

領安係無從中觀變者舉事一不當辱身家而污青史爲千古笑端智者所不出也貴鎮宜卽日嚴戢兵丁疏通江路振舵回船尅期還鎮缺餉事情候本部院到院設法措處勿過安慶一步以實流言本部院綿力可竭當爲朝廷弭此大事爲貴鎮濟此飢軍其勉聽鄙言急圖桑榆後效否則義旗迴指將不得與貴鎮以玉帛相見矣良玉捧檄心折又用其親信李猶龍胡以寧輩開陳禍福曉暢心事皇上神明聖武拊髀頗牧當力爲保全功名盡釋中山箱篋之疑得專元侯弓矢之賜良玉大喜過望飛騎貽皖撫發九

牧齋有學集 卷三十一  
江庫銀十五萬補六月糧軍心遂大定運艘商舶銜  
尾安流謹聲喧闐沸江水南都始解嚴越翌日公具  
威儀入其營良玉帙首鞞袴握刀插矢俯立迓鵠首  
公禮辭引見用師弟子禮良玉請公坐樓船大閱士  
馬公慰勞諸將詢問部曲姓名宣諭軍中矢忠義殺  
賊拾取富貴一軍皆骨騰肉飛願爲公死良玉爲公  
令于軍斬淫殺者四人以狗釋被擄男婦四千餘人  
還漕鹽船五百餘號臨分牽衣號慟誓以餘生效頂  
踵公還語人此小事易辦喜爲國家得一名將耳公  
以風紀清嚴之司當過賓傳遽之地官無銅虎之符

使無英篋之節引大夫出疆之義推臧孫急病之公  
忠誠空涌機權錯出條鋌在手操縱自如挽山崩峽  
倒之勢成瀾回浪轉之功嚮令先帝當危急時擺落  
羣小以國成委公則庶幾病危可救弱症可起奉天  
之圍可解靈武之功可奏竊嘗謂公之死國有異于  
卒公者爲其以乘輿死以震器死以三百年祖宗鐘  
簴死而不但以一身一節死也嗚呼痛哉公父比部  
公與母周夫人食貧媿德公童孩喪母執喪有聞萬  
曆癸卯與比部同舉于鄉布衣徒步父子自相鏃礪  
都人士咸敬之江西有二儒者曰鄒忠介公元標曾

恭端公同亨鄒公識公于諸生勗以萬物一體之學  
既登第謁曾公南太宰署中曾公明燈促席極論古  
今典章吏治人才世運曰吾老矣一腔報國微忱舉  
付吾子公學術原委得之二公爲多爲言宮主于分  
別邪正破除朋黨極論萬曆執政肯公營私衣鉢授  
受徐兆魁王紹徽湯賓尹等鑽穴禁近蝨賊國論郭  
正域鄒元標顧憲成等骨鯁孤忠削跡朝著清議日  
輕黨禁日密老成日謝天地閉塞非國家之福也言  
路初闢章滿公車公所彈劾劈肌分理洞見癥結黨  
人尤畏而疾之丁巳之察并及比部公天啓中入爲  
少司馬逆奄肆毒大獄煩興高陽公將行邊人覲而  
奏本末奄矯旨拒不令人魏廣微唱言朝堂高陽與  
晉陽之甲李懋明召之來耳公亟移疾請去而削奪  
隨之矣前後罷免家居垂二十年比部公老無恙讀  
書譚道篝燈布席依然兩書生公是以益邃于學又  
以其間網羅典故討論時政以儲匡時經世之學腹  
笥心兵橫從肆應蓋多自聞居得之邇公之大節終  
始有三韋笥錄牒端禮刊碑蘊義生風白首一節則  
以黨論終始開拓心胸補苴倫紀不聚生徒不矜著  
作則以學問終始盤錯橫身艱難致命以熱血灑宗



社以丹誠荅知遇則以忠君報國終始以精白一心不愧屋漏爲立身之根抵以正直忠厚保養元氣爲用世之禎符雖其寒冰栗玉纖塵不染而友朋之急難善類之阨危無所不極其救援褰裳濡足有不恤也雖其精金利劔腐肉必決而殘邊之退卒失路之旅人無所不用其矜全噢咻濡沫有不啻也晚年家居修講堂定教條立宗祠恤繇役秀眉子矜莫不觀禮誦法團練鄉兵保護井邑笳鼓譟亮肅如軍中九連寇發虔告騷然風聲雷動匿跡遁去生平誦法孔子刊落雜學嘗語學者三世諸佛只是血性男子果

能參透上乘空諸萬有死生不二與周孔何異儒者一念不謹持卽墮苦海何云天堂地獄哉又曰正氣者士之輿也來則乘之去不捨焉臨危末命凝眸整暇易簪結纓正其勛辨學問時耳乘輿來去公旣了然自知復何憾哉公先世唐西平忠武王晟之後西平第十子憲觀察江西憲子游爲袁州刺史始居袁游子丕子遵始居吉水遵生華華生唐後唐天成丁亥徙居谷平迄今四十餘世入明有桂者與梁寅爲友桂生京生威威生貴爵貴爵生秀于公爲王父秀生諫由舉人官南京刑部主事娶于周生公自

朱齊木學集卷三十一  
三  
貴爵已下皆累贈吏兵二部尚書妣皆一品夫人公  
生萬曆甲戌九月九日年七十有一甲申四月公之  
喪至自北京詔贈少保吏部尚書謚忠文贈葬予祭  
六壇廕一子建祠京師賜額精忠十一月二十四日  
葬仁壽鄉鰲山釣魚臺之諭塋娶一品夫人周氏子  
六人長士開次士國士開以殉士國死于水奉旨建  
坊旌表副室宋氏生子長世亦以苦節表門次士亨  
士齊士京士臺孫男九人長世以嫡長承世廕次長  
榮長清長祚長發長灝長垣長蕙長元長世子繩武  
應世襲錦衣衛千戶公既葬長世採集行事撰次爲

泣而言曰隧道之碑銘有與吾祖游而載史筆者誰  
乎謀于諸父渡江來請者至再謙益辱公末契踰壯  
迄老函丈晤對竿牘往來師友篤論家兒絮語惟是  
憐才憂國語不及私癸未北上要語廣陵僧舍艱危  
執手潸然流涕囑曰左寧南名將也東南有警兄當  
與共事我有成言于彼矣篋中出寧南牘授余曰所  
以識也入都復郵書曰天下事不可爲矣東南根本  
地兄當努力寧南必不負我勿失此人也偷生假年  
移日視息愛我知我辛負良友傷心尅骨有餘痛焉  
傍徨執筆老淚漬紙而不忍終辭者以爲比及未死

效隻字于青簡庶可以有辭于枯竹朽骨也洪惟萬曆以來高陽與公當竝爲宗臣配食清廟有其舉之工歌之頌詞曷可以已庸假繫牲之石再拜而刻詩曰維嶽降神光氣熊熊篤生偉人殿我家邦暨我高陽如龍如虎仗鉞視師兩有文武遵永六城復我故初崇關擊柝神都屹如公如鳳麟不搏不鷲齋其躬心以救殄瘁國有大故我肩我搢國有大疑我則解鱗楚師橫潰亂流而東公手撫摩如擾兒童偉矣碩儒袞衣大冠召雲致雨試手沛然堂堂高陽與公相望大厦兩檀去一則崩三才失位九嬰刺天捐生殉節與國後先天門誅蕩爰策其馬元氣磅礴來歸帝所帝錫汝命彤弓素旂刑天相柳莫我敢承星戈照日雲罕從風同車報命二祖列宗乃考新宮乃配清廟于豆于登工祝致告孝孫在位庸鼓有教神之至止入戶歎息舊史明見作爲頌詩後千百年尙右饗之

牧齋有學集卷三十四終

竹齋文集

卷三十四

